

明代論著叢刊

迪

功

集

偉文圖書出版社有限公司 印行

廸功集序

徐廸功集六卷并談藝錄子容寄我豫章予即豫章刊焉印傳同好意表廸功文云初廸功亡京師也予在梁子容計予曰昌穀遺言子序其遺文於是手其文歔歔久之曰嗟乎予忍序吾友文耶麟鳳芝寶世所希邁見邁見之而遽天滅亡也天生之故奪之耶抑生不生生而修或短非天所諳哉廸功以文賦起吳中十數年間驚翔而虎變彬彬乎出人士前矣然竟軾軻天滅亡也凡此天果弗諳之耶乃予觀李唐人李杜軾軻勃賀則天未始

不憐才流涕也然猶異代足寬解孰謂親遘見之
如廸功者云客曰氣積久斯漓三代以後聖人罕
逢孔子以周末故不得位觀其大可占其細若是
則魏徵將爲鬼魅之說非耶客曰羣體廸功奚以
之矣予曰談藝錄備矣夫追古者未有不先其體
者也然守而未化故蹊徑存焉雖然辭榮而耽寂
浮雲富貴慷慨俯仰廸功所造詣予莫之究竟矣
今詳其文溫雅以發情微婉以諷事爽暢以達其
氣比興以則其義蒼古以蓄其詞議擬以一其格
悲鳴以泄不平參伍以錯其變該物理人道之懿

蘭幽別奧紀記名實即有蹊徑厥儷鮮已修短細
大又曷論不載廸功履歷以別有志述北郡李君
陽序

廸功外集序

僕昔耽藝究作者之林卓彼徐君雅擅音藻岩棲
暇日徵訪遺文得徐君詩百餘篇于其家予刪其
半刻之爲廸功外集徐君有集六卷刻於豫章北
郡李子序之所云守而未化蹊徑存焉者也集君
手自選定予所得百餘篇者皆其棄餘然尚多可
采今翻於藝者弗逮也又所次存綴厥微詭於疏

轍庶翼而傳云惟君華郁其思天然特稟尤長賦
頌之文其所用心蓋自漢魏以迄開元天寶之盛
無弗窺也夫詩之爲藝獨異衆體作者韻度鮮明
情言超瑩而原其趣叅之以神要其構極之以變
考則古昔往往冥契嘗謂徐君之於詩可以繼軌
二晉標冠一代斯不誣矣夫并包衆美言務合鉅
檢而不隘放而不踰斯述藻之善經也奚取于守
化而暇詆其未至哉始君弱冠爲文賦即可垂世
而人莫知之然於詩未爲工而榆塞嘆西閭吟等
篇則既藻麗如梁陳間語顧人弗稱即他詩最纖

下者輒稱之不置而其文沈澹不競釋褐交書
最昵時宰屬君代爲之文君揮弗顧以此坎壈終
其身李子當弘治正德間刻意探古聲赫然君與
辨析追琢日苦吟若狂毋吝榮譽卒所成就多得
之李子而其知君顧未盡况非李子哉古曰知難
久矣夫諒哉悲矣吳郡皇甫湜序

廸功外集序

廸功集六卷乃徐先生手自定寄空同于豫章城
精當無可竄不佞重梓之以傳矣郭侍御謂外集
別集何不合梓使無遺珠不佞間取讀之而竊有

意焉外集出皇甫子安所選較豫章本亦駸駸各
作矣別集則刻于袁氏世稱文章江左家家玉烟
月揚州樹樹花是其警句也餘多稚年綺語尚沿
吳習猥以名重槩傳而不知瑕瑜不類也弇山公
嘗評之曰舞陽絳灌貴後向人稱其屠狗吹簫爲
佳事寧不泚頽善哉其取譬矣不佞簡書之暇於
外集稍刪之十存九于別集精選之十去八計得
百五十首文十二首爲四卷附六卷後先生平生
心力庶幾盡于茲乎噫世變江河大雅淪溺不有
砥柱曷迴狂瀾先生一時之鴻撰非詩人千古之

懿矩哉片辭隻字固所千五微疵纖類厥亦微焉
子安重遺知難之恨子循不廢過嚴之說良有以
也乃存二皇甫序而仍以外集之名云爾東郡韓
光宅序

五
子
集
卷
五

通功集選

吳郡

徐禎卿昌穀

卷

濟南

王士禎貽上

選

古體詩

榆臺行

榆臺高以臨匈奴匈奴桀罪當夸戰不利師被圍
師被圍士無糧渴無漿拔劒仰天訣壯士餓死亡
棄尸不保蹂籍道旁嗟爾從軍之人行不來歸奈
之何心傷悲

鷓鴣行

白鷄捉黃雀斜盤下九天豈知南山側復有虞人
弦一發中雙翼忽斃青雲端行人皆撫掌仰視落
飛翰弓矢懸馬頭少年坐雕鞍持歸咸陽市百鳥
爭聚觀美酒白玉缸肉腊黃金盤樂哉今日宴
座俱萬年

雜謠

夫爲虜妻爲囚少婦出門走道逢耶孃不敢收東
市街西市街黃符下使者來狗棘棘鷄鳴飛上屋
風吹門前草肅肅

古意二首

空爲郢中客不見郢中吟美人高堂上自奏山水
音帝子葬何處瀟湘雲正深寂寥誰共賞江上獨
傷心

楚妃一失寵獨宿楚江陰雖念容華落終憐繾綣
心聞說章臺畔致游歡自淫今日宮中事不言讓
妒深

對雪贈客

雜絮下璚霏飛滿洛陽城仙人深雪裏獨戴鹿皮
行高臥思安道攜琴就阮生竹林陪素蟻兔苑玩
流英誰言剡水棹今日在瑤京

各賦隱士得魏仲先贈金陵顧徵士

何處蓬山宅。汾陰傍漢宮。冥棲紫芝客。長嘯綠雲中。忽佇甘泉駕。遙尋河上公。玄風那可掇。大道本難窮。夫子金陵隱。心將靜者同。璫枝無以獻。歌此寄喬嵩。

登半塘寺閣

夙有山水慕。苦爲形役拘。澹茲夏日永。聊得狎浮圖。攀雲凌廣閣。靄靄見吳都。諸川散林上。平野鬱芬敷。法花垂縹緲。晴采動虛無。烟火下方雜。昏明時態殊。境超自生樂。疲心忽重蘇。因傷人世子。擾

擾即長途

舟懷

天曠多樹林日赤溪路永我行一何勞
官窵沂川嶺湍流好石關沙礫與舟鯁
行行指前棲望望不得逞火雲漸曖滅
蟬鳴空山靜奄忽青松間了了挂圓景
一與幽賞遇遂使煩慮屏先書謝廬僧
爲掃香爐頂

留別邊子

我車駕言邁將子城之隅豈無他人親
嬖戀心自知握手一爲嘆忽忽從此辭
驅車何迢迢迢迢復

遲遲匪我車輪遲行子有所思登高望河水河水
何瀾瀾褰裳欲涉之俛首以踟躕孤楊生河干孀
婦何差差民生失儔匹惻爾令心悲

留別都城諸同志二首

對酒忽不樂悵然懷別離別離結中勞眷彼長路
歧萋萋郊河樹曖曖關門祠佇望瀟湘水先與秋
風期鴻雁雲中來噉噉使人悲懷哉爾方集恨矣
予當辭

客有棲棲者三年歌式微竭來事原隰經返舊園
扉昔往被冬裘今還服春衣撫景雖云愜中歡惜

以違出門見芳草念子忽如

城

送范靜之遷威州五首

吾憐范巨卿
悃悃不邀名
作吏竹林下
清風訟獄平
與君同得罪
獨竄夜郎城
萬里巴江水
相思猿狖鳴

聞上巴江峽
黃牛峽最遲
君聽流水意
何似隴頭悲

爾向巫山日
瞿塘春可憐
柳絲嬌綠水
白雪媚陽天

玉壘爲糟蘖
巴川即酒泉
乘舟捉明月
直到女牛

邊

爾作南遷客予同北地囚酣歌易水動舞劍白虹流

送唐季和謫穀城

襄陽千里道念爾一杯辭上馬山公醉曹騰倒接
羅回風漂朔野飛雪繞征旗及此下車日黃河水
泮時江喧神女館花發峴山祠莫謂長沙謫風流
良在茲

對月有懷

靈氣泛虛爽灘聲來自遲繫舟南斗下翫月西江